

և յանակնունելի սլահու միտթարեալ էին զազգն եւ զինքեանս, և զգոհունակութիւնս բոլոր միաբանաց հանդերձ օրհնութեամբ ։

Երբեմն Լատին կղերք ամբաստան եղեն 'ի կարեւոր տեղիս զազգէն Հայոց, որպէս գրեցաք . այլ 'ի սոյն ժամանակի չհանգարտեալ՝ առաքեցին զոմն 'ի Կոստանդինուպօլիս, եւ նոյն ինքն Տեսուչ վանաց նոցին հանդերձեցաւ դնալ անդ . զի հնարս գտցեն խափանել զգործն Հայոց, որպէս հակառակութեամբ իւրեանց առիթ եղեն բազմադիմի մեասուց 'ի գալստեան հրովարտակին, զի նախատինս դիցեն Հայոց արտաքսելով 'ի Գերեզմանէն . և իբրեւ տեսին թէ չեհաս հրովարտակն ըստ մտաց Իլամին և Հէօճճէթին, որպէս գրեցաւ յաւուրս բաժանորդութեան, սկըսան դեգերիլ 'ի դրունս այլազգեաց և ստիպէին զԴպրապետ դատարանին առնուլ Իլամ 'ի Դատաւորէն հակառակ Հայոց, զի դիւրաւ վարեացեն զնոսա արտաքս 'ի Գերեզմանէն, նաեւ զՅոյնս . և Հայք զահլի հարեալ վարանէին . թէպէտ նա բացասէր և ընդդիմանայր նոցա, բայց առանձին ազդ արարեալ Հայոց, բանայր զգորունս մեծամեծ ծախուց, որպէս արարեալ էին երբեմն վասն դրան Բեթղեհէմի . և կարի դժուարին էր 'ի նեղ ժամանակին յայնմիկ լցուցանել զանզուսպ աղահութիւնս նոցա, որոյ վասն Պօղոս Եպիսկոպոս և Սորհրդականք բազում անգամ թախանձանօք գրեցին փութացուցանել զհրովարտակն . զի գադարեացին Լատինք 'ի խլրտելոյ, և ինքեանք ազատեացին 'ի ձեռաց զրկողաց, և շնորհ Արքայի լիցի հաստատուն և անկորուստ մշտնջենաւորս Լուեալ զայսոսիկ բանս իշխանաւորաց ազգին՝ պատուիրէին համբերել և սիրով գընալ ընդ օտարս, եւ զգուշանալ 'ի կռուոյ, թէեւ Հայք չէին այնքան կռուասէր, որքան խաղաղասէր և համբերող . բայց դատաստանն տարօրինակ ըստ տեղեաց . զի մեծամեծք այլազգեաց գհետ էին գտանել միայն կռուան ոտից իւրեանց, եւ 'ի փոքր կայծէ յարուցանէին հրդեհ մեծ, թափել զքրիստոնեայս 'ի դրամոց 'ի յազուրդ իւրեանց . և Հայք գիտելով զայս ամենայն 'ի սէր Ս. Տեղեաց և ազգին համբերութեամբ տանէին ամենայնի :

